

MARILENGHE

Problemi aperti e prospettive possibili alla conclusione del primo master universitario per la formazione di insegnanti di lingua friulana.

n pagina 19

IL CORS - Al travuart il prin master universitari di secont nivel pe formazion dai insegnants di lenghe furlane.

» DI SILVIA DELLASIN



Il furlan al monte in scagn

A conclusion dal percors di studi davuelt inte Università dal Friùl, a pôcs dis dal aniversari de Patrie dal Friùl, quale ocasion plui indicade di chê de cerimonie dal prin di Avrìl, inte sale des cunvignis di palaç Antonini pe consegne dai diplomis dal Master di secont nivel e cors di inzornament "Insegnâ in lenghe furlane" par sotliniâ, ancjemò une volte, la relevance de lenghe furlane intal teritori inte suaze de tutele de identitât e de valorizazion des lenghis minorizadis inte Europe dal plurilinguism?

STORIE, CULTURE, MATEMATICHE

Prin tal so gjenar, il Master, inmaneât de Università dal Friùl cul jutori de Agenzie regionâl pe lenghe furlane, si è davuelt dilunc doi agns par un impegn di mil e 500 oris.

La varietât dai insegnaments e je stâde **une vore** significative: de storie de lenghe furlane ae linguistiche contrastive, de neurolinguistiche e psicolinguistiche dal plurilinguism ae linguistiche acuisiziônâl, de antropologie e sociologie dal

Friùl ae letulture furlane, fin ai laboratoris di educazion linguistiche, di matematiche e sciencis, di comunicazion e gnûfs media, memoreantint cualchidun.

ALTE FORMAZION, CIERTECIS POCJIS

Ae cerimonie pe consegne dai atestâts dal Master sei la retore de Università dal Friùl, **Cristiana Compagno**, sei il president de Provincie di Udin, **Pietro Fontanini**, a àn evidenziât che al è stât fat un percors di dut rispiet, di "alte formazion" e che la professionalitât acuiside dai corsiscj e à di jessi ricognossude, in formis oportunis, rispiet a chei no àn seguit un percors formatif dal gjenar.

Se di une bande ancje il president de Regjon Friùl Vignesie Julie, **Renzo Tondo** al à inviât, pe ocasion, une letare cui compliments par ducj i diplomâts, no jerin presints ae cerimonie ni l'Assessor pe culture de regjon, **Roberto Molinaro**, ni la Dirigente dal ufici scolastic regionâl dal Ministeri de universitât e ricercje, **Daniela Beltrame**. Dut cás, l'Ufici scolastic regionâl al



Cristiana Compagno

“Al è stât fat un percors “alte formazion” e la professionalitât acuiside dai corsiscj e à di jessi ricognossude”

stâ studiant la maniere organizative plui oportune par fâ sì che l'insegnament de lenghe furlane al devinti efetif, inte suaze dal 20 par cent des oris di insegnament garantidis ae autonomie scolastiche.

VALÔR STRAORDENARI

Forsit parcè che chest Master al è une novitât o parcè che a nivel politic e di ufici scolastic regionâl si àn di vê clârs i insegnaments dulà che insegnâ in lenghe furlane al costituis un valôr in plui, no dome un fastidi organizatif e didatic, par cumò a mancin ancjemò indicazioni claris.

A van ricognossûts ai diplomâts tal Master "Insegnâ in lenghe furlane" ponts utiis intes graduatoriis pal insegnament e, dut cas, il Master pe durade (bienâl), pal impegn ecuivalent mil e 500 oris, pai 60 credits universitaris atribuîts al à di valê tant che un altri Master di secont nivel otignût in une cualsisei Università taliane.



iffriuli@iffriuli.it